



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LVIII. Der Bischof Gernand schenkt dem Hospitale des Domstiftes einen Theil des Wernitzer Waldes, Produnsdunk genannt, am 10. Januar 1234.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

LVIII. Der Bischof Gernand schenkt dem Hospitale des Domsiftes einen Theil des Wernizer Waldes, Produnsdunk genannt, am 10. Januar 1234.

Gernandus, dei miseratione Brandenburgensis episcopus, omnibus Christi fidelibus, hanc litteram auditoris, in Ihesu salvatore salutem. Adtendentes, quod — manus ad proximum indigentem extendere teneamur, et alias ei expandere viscera pietatis pauperibus, qui in facie nostra sunt, et tanquam in ecclesie nostre Brandenburgensis gremio collocati, manum misericordie vidimus largius extendendam; igitur domui hospitalis in castro Brandenburg jam erecte, ob anime nostre salutem ac refocillationem recipendorum pauperum in eadem, particulam quandam nemoris nostri, quod Werniz dicitur, videlicet locum, qui Produnsdunk nuncupatur, intuitu dei omnipotentes et interventu dilecti nobis Danielis, canonici Brandenburgensis, fundatoris domus ejusdem, donatione perpetua duximus conferendam, ut exinde edificia, que adhuc minus sufficiunt, erigantur, et alia quecunque commodis pauperum necessaria fuerint, ordinentur. Contulimus autem dictum locum cum omni jure, quo a nobis hactenus est possessus, tam in paschuis quam in lignis et aliis, quecunque sunt sub nomine hujus vocabuli comprehensa, in quoscunque usus dictus fundus, procedente tempore, redigatur. Ut autem hec nostra donatio debitam obtineat firmitatem, ipsam presenti scripto, sigillo nostro munito, curavimus roborare. Testes sunt prepositus Jacobus, prior Etechelo, custos Thidericus, canonici Brandenburgenses, Wilhelmus de Pritferwe, Johannes de Bantiz, Johannes de Muceliz, plebani, Thidericus scultetus, Johannes advocatus, Marsilius, cives de Pritferwe. Datum Jezere, III idus Januarii.

Nach dem Originale.

LIX. Papp Gregor IX. beauftragt die Erzbischöfe von Cöln und Magdeburg, den Streit über die Zehnten zwischen dem Bischofe und dem Markgrafen von Brandenburg zu untersuchen und nach Befinden mit geistlichen Strafen gegen die letztern zu verfahren.

Gregorius episcopus, servus servorum dei etc. Ex parte venerabilis fratris maguntini (Brandenburgensis?) Episcopi fuit propositum coram nobis, quod Johannes et Otto Illustres principes de prandenpurg per quosdam terminos sue potestatis sitos in ipsius dyoecesi decimas sub divino jure soluere contradicant et super hoc a nobis justiciam postulavit. Ad hec dilectus noster C., talis loci canonicus, dictorum nobilium procurator, proposuit coram nobis ex aduerso, quod dicti marchiones sub auorum suorum temporibus in ea libertate Episcopis dicti loci scientibus et non contradicentibus semper possederunt terras suas et de eisdem vsque ad hec tempora decimas non soluerunt. Sed quedam bona de prediis suis dederunt pro ipsis decimis de Episcoporum dicte ecclesie approbatione et consensu et id constanter se asserunt probaturos. E contrario proposuit procurator Episcopi, quod etiam concambii vim testes et scripta autentica approbarent hujus earundem probationum nullatenus standum esset, cum jus decimarum adeo juribus spiritualibus sit annexum quod et nec vendi nec commutari valeat ullomodo nec in proprietatem laycalis potentie conuertatur. Cum et dicti marchiones non sunt legali debito vassallorum Episcopo memorato, nec se habere decimas vel ab eodem vel ab ullo principe ecclesiastico fateantur, cum tamen decime a nemine preter quam ab ecclesia ha-